

 **SDP**
Bosne i Hercegovine



**NAŠA
STRANKA**



BENJAMINA

ZA NAČELNICU





Infrastruktura - Odgovorno za Novo Sarajevo

Novo Sarajevo zasluŹuje dobro održavanu infrastrukturu. Svjesni smo izazova s kojima se naši sugrađani suočavaju, posebno u padinskim dijelovima općine, gdje loša infrastruktura oteŹava svakodnevni život. Sanacija komunalne mreŹe, uključujući vodovod i kanalizaciju, te rekonstrukcija saobraćajnica bit će vaŹan dio našeg posla. Također, poboljšat ćemo javni prevoz u padinskim dijelovima grada kako bi svaki dio općine bio povezan. Uz to, radit ćemo na izgradnji novih parking prostora i funkcionalnom upravljanju postojećim, svjesni velikog problema saobraćaja u mirovanju. Legalizacija objekata, koja se već dugo odgađa, bit će nešto na čemu ćemo sa našim građanima istrajavati prema višim nivoima vlasti jer **želimo olakšati život mnogim porodicama.**

Nastavit ćemo izgradnju biciklističke staze kako bi svi zaljubljenici u vožnju bicikla mogli sigurno uživati u svom hobiju. U saradnji sa višim nivoima vlasti, nastavit ćemo izgradnju JuŹne longitudinalne od Źeljinih stadiona do raskrsnice za Vraca, čime ćemo značajno smanjiti saobraćajne guŹve u Novom Sarajevu.

Urušene i dotrajale fasade obnovit ćemo za **ljepše lice Novog Sarajeva.** Sanirat ćemo postojeća i graditi nova dječija i sportska igrališta. Dovršit ćemo vrtić Kolibri, koji će postati dom najmlađih. Također, izgradit ćemo pješački most iza Omer Maslića, povezujući naselja i olakšavajući kretanje pješaka.



Odgovorno za bolje obrazovanje

Konačno je došlo vrijeme da izgradnja nove škole u Pofalićima, koja se već dugo obećava, bude i završena, čime će se našoj djeci omogućiti kvalitetno obrazovanje u modernim uvjetima. U saradnji sa višim nivoima vlasti, škole u Novom Sarajevu će proći kroz potrebne rekonstrukcije, a igrališta će biti obnovljena kako bi se osigurali najbolji uslovi za igru i učenje. **Nagrađivat ćemo talentovane i najbolje učenike** jer je izvrsnost ono čemu težimo. Novo Sarajevo će postati "Child and Youth Friendly Municipality", osiguravajući našoj djeci i mladima najbolje moguće uslove za odrastanje i razvoj.





Novo Sarajevo

Oaza prirode

Zelene površine su pluća naše općine, i mi preuzimamo odgovornost da ih sačuvamo i proširimo. Hum će postati zelena oaza za sve građane u kojoj će moći svakodnevno uživati.

Očistićemo općinu Novo Sarajevo. Općinsko preduzeće ONSA, koje se bavi održavanjem čistoće i hortikulture, dodatno će ojačati svoje kapacitete kako bi svaki kutak općine bio prijatan i uredan, bez obzira na godišnje doba. Zimsko održavanje i sadnja cvijeća bit će dodatno unaprijeđeni kako bi naša općina bila čista i ugodna za život tokom cijele godine.

Zapušteni prostor na Trgu Heroja pretvorit ćemo u moderni park, pružajući mjesto za rekreaciju i opuštanje u srcu Novog Sarajeva. Kvarтовске zelene površine učinit ćemo prostorom na kojem će stanovnici naselja željeti provoditi vrijeme.




Odgovorno za kulturu i sport

Novo Sarajevo će postati srce sporta i kulture cijelog grada. Ulažemo u izgradnju sportsko-rekreativne zone „Vinko Šamarlić“, gdje će svi, od najmlađih do najstarijih, moći uživati u sportskim aktivnostima.

Motivisat ćemo mlade da se bave sportom kroz organizaciju sezonskih turnira i uz nagrade za najbolje.

Južna tribina stadiona Grbavica bit će izgrađena, a fasada obnovljena. Projekat Kvart muzeja na Vilsonovom će doprinijeti kulturnom razvoju općine, pretvarajući Novo Sarajevo u kulturni centar. Pozorište dovodimo u naše Novo Sarajevo.



da
lić“,
kim

ciju

da
eti
rni



Odgovorno za sigurnost i saobraćaj

Sigurnost je temelj svakog doma, a naš dom je Novo Sarajevo.

Uvest ćemo sveobuhvatan sistem video nadzora kako bi prometni dijelovi općine bili pod budnim okom, na taj način čuvajući mir i sigurnost naših porodica. Sa tim u vezi planiramo unaprijediti saradnju s Ministarstvom unutrašnjih poslova Kantona Sarajevo kako bi naša općina bila sigurnije mjesto za život. Također, podržavat ćemo projekte Federalnog ministarstva unutrašnjih poslova koji se odnose na Policijsku akademiju FMUP-a, a koja se nalazi na prostoru naše općine.

Svjesni smo činjenice da su mlade kadetkinje i mladi kadeti, koji se u Policijskoj akademiji FMUP-a školuju iz svih deset kantona u Federaciji BiH, budućnost ne samo naše općine već i naše zemlje. Vilsonovo šetalište bit će zatvoreno za saobraćaj, stvarajući jedinstvenu pješačku zonu, koja će ljeti postati oaza za relaksaciju i uživanje na otvorenom, dok će zimi biti pretvoreno u klizalište po uzoru na svjetske metropole.

Uređenje željezničke stanice, vrata grada, bit će naš prioritet; želja nam je ostaviti pozitivan dojam na sve posjetioce Novog Sarajeva i Sarajeva.

Administracija - modernizacija za bolje usluge

Efikasna administracija je ključna za dobro funkcionisanje općine. Radit ćemo na digitalizaciji i racionalizaciji administrativnih procedura, uz otvaranje novih kapaciteta. Uz to, osnovani Centar za plaćanje komunalnih usluga upotpunit ćemo dodatnim šalterima za ovjere i izdavanje dokumenata, što će **olakšati svakodnevne administrativne procedure za sve naše građane.**

odgovorno za očuvanje sjećanja

Novo Sarajevo neće zaboraviti one koji su dali svoje živote za slobodu i mir. Kroz projekte kulture sjećanja, mlade generacije će učiti o vrijednostima koje su nam ostavili, kako bi budućnost bila izgrađena na čvrstim temeljima sjećanja.





Odgovorno za zdravlje i socijalnu sigurnost

Naša odgovornost je osigurati da svi građani imaju pristup kvalitetnoj zdravstvenoj zaštiti. Radit ćemo na opremanju modernom opremom Doma zdravlja i ambulanti, dok ćemo kroz sufinansiranje specijalizacija za medicinsko osoblje poboljšati usluge. Posebnu pažnju posvetit ćemo starijim sugrađanima kroz projekte centara za zdravo starenje, gdje će **provoditi svoje vrijeme u sigurnom okruženju, uz kvalitetan sadržaj**, dok će socijalne usluge za stare i nemoćne biti proširene i unaprijeđene. Pronatalitetne politike bit će nam jako važne.

Odgovorno za ekonomski razvoj

Novo Sarajevo će postati mjesto gdje svaka ideja ima priliku da se razvije. Podržat ćemo preduzetnike kroz olakšice i subvencije, kao i projekte samozapošljavanja, čime ćemo jačati lokalnu privredu i smanjivati nezaposlenost. Otvaranjem novih radnih mjesta i stvaranjem povoljnog poslovnog okruženja, Novo Sarajevo će postati **općina u kojoj svako ima priliku da ostvari svoje poslovne snove**. Kapacitete u vlasništvu općine stavit ćemo na raspolaganje mladim IT-ovcima i kreativcima sa idejama i vizijama, stvarajući poseban radni prostor u kojem će se svi osjećati ugodno. Posebno je važno pitanje Centra kreativne umjetnosti i izvrsnosti, koji će omogućiti mladima da razvijaju svoje talente i ideje.



BENJAMINA

ZA NAČELNICU



Izadi i glasaj!

6. oktobra

**Na glasačkom listiću za načelnicu
Općine Novo Sarajevo**



BENJAMINA KARIĆ